



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Rubricis Missarum de Aduentu. 1.

urn:nbn:de:hbz:466:1-9500

COMMENTARIA IN RVBRICAS MISSALIS ROMANI.

PARS QUARTA.

Rubricæ Missalis propriæ.



MISSALE diuiditur in partes quinque, Proprium de Tempore, Proprium de Sanctis, Commune Sanctorum, Missas pro Defunctis, & Benedictiones varias in fine eiusdem Proprias unaquæque pars habet Rubricas à generalibus distinctas; & earum hoc loco tum originem, quo ad eius fieri potest, tum alias causas inuestigabimus, Canon autem est centrum totius Missalis, in medio idcirco positus (de quo iam diximus) cum Ordine Missæ omnibus Missis communi.

In hac igitur quarta parte prædicta omnia ad Titulos nouemdecim reuocabimus, dilatari nonnulla (Missali, & Breuiario in Sanctorum Festis communia) in aliud volumen Commentariorum in Rubricas Breuiarij, quæ videntur esse eius loci magis propria.

De Rubricis Missarum de Aduentu. I.

O Missis ijs quæ in generalibus Rubricis sunt explicata, quæ hic in Missali, & in sequentibus ideo repetuntur, vt in memoriam Sacerdotis loco proprio reuocentur: Dicimus primo, inscribi Dominicas de Aduentu, quia totus Ordo Ecclesiasticus iuxta cõtèmplicationem Aduentus Domini hoc tempore dispositus est. *Rupert. lib. 3. c. 1.*

2 Tres aduentus Domini meditantur. Primum, quando venit, vt homo fieret. Secundum, quando venturus est in fine vitæ cuiusque nostrum. Tertium, quando in fine mûdi. *Honor. in Gem. lib. 3. c. 1.*

3 A Sancto Petro institutum fuit hoc tempus per tres hebdomadas integras, & quartam non integram. *Durand. libr. 3. cap. 2.* vt sicut per quatuor elementa ruimus per mala opera, ita surgamus ad bo-

na, *Amalar. lib. 3. cap. 40.*

4 Partim lætitiæ est, & Alleluia, dicitur; partim mœroris est, & tacetur Hymnus Angelicus, neque adhibentur Dalmaticæ; *Radulph. proposu. 16.* quia spem generat primus aduentus, secundus timorem incutit: *Durando loco cit.*

5 Dicuntur Orationes duæ, de B. Virgine, & contra persecutores Ecclesiæ, vel pro Papa; ratione allata in *Rubric. gen. in casu simili i. p. tit. 9. nu. 3. j. 6. pag. 21.*

6 Missa infra hebdomadam non habet Alleluia, vt in Dominicis ob allatam causam propriam in *i. p. tit. 14. pag. 28.*

7 Officia Missarum Aduentus (excepta Domin. quarta, quæ dicitur vacans à S. Gregorio) Habentur in libro Sacramen. & Antiph. S. Greg. sola; Oratio Dom. 1. est Ambrosiana, ex *Pamelio in Liturg.*

M 4 De